

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

*K*hutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

03 Mars 2017

(03 Jamad'ul Aakhir 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « L'Amour & Connexion avec Allah »:

Ene croyant bizin ena *Muhabbat* (l'amour) et connexion avec Allah (swt). *Muhabbat* ou bien admiration pour kikene li faire ou faire tout pour sa kikene ki ou admirer là. *Muhabbat* li faire saki difficile paraite facile. Ena des fois l'impensable vine réalisable. Kan ene dimoune li content ene kitchose, li faire zéffore pour li gagne li. Si li vraiment content sa kitchose là, alors li pas guette lé temps ni l'argent. Arrive ene stage li blié tout. Li pas trouve nannié autour de li. Ene sel kitchose existé pour li. C'est sa kitchose ki li content et li admiré-là.

Ou guette ene jeune azordi jour ki fine fecque gagne so 18 ans. Li content kikene à tel point ki li vine insupportable pour vivre sans li. Sans hésitation li quitte le toit familial pour alle vive avec séki li content là. Li quitte so la famille, so maman, so papa, so frère, so sœur, so confort et ziska so *Deen* (religion - l'Islam) zis acoze ene ki li content. Tout sa là li faire li avec contentement et avec la joie. Si sa même *Muhabbat* nous ti ena pour Allah, alors zamais nous ti pour trouve *Deen* difficile. Nous ti pou subir tout avec la joie et contentement zis pour sa l'amour ki nous ena pour nous *Rab*.

Pratique *Deen* ti pou vine non seulement facile mais délicieux. L'exemple de bane personnages pieux li devant nous. Zot pas fine hésité renonce n'importe quoique ce soit ki vine ene obstacle pour vine vers Allah Ta'ala. Hazrat Ibrahim (as) fine abandonne so royaume pour gagne Allah Ta'ala. Si kikene capave sacrifié so l'honneur, so dignité, so statut acoze ene cadavre ki pour mort et ki condamné pour vine la poussière ene jour, alors ki faire ene dimoune pas capave donne tout pour Allah, *Al-Hayy, Al-Qayyoom* ki exister dépi tout les temps et ki zamais pou arrête exister (kot So l'existence pas ena ni commencement, ni finition). Li (Allah) Celui ki guette nous tous les temps. Li ene Être ki prend nous compte tous les temps. Li Celui ki donne nous tous saki nous bizin. Acoze sa, bane dimounes ki vraiment *Ulul-al-Baab* (pieux et doué d'intelligence) zot donne zot l'énergie, zot les temps, zot richesse et tout saki dans zot disposition dans le plaisir d'Allah Ta'ala. Allah Ta'ala So plaisir li trouve dans *Deen* ki signifié vive la vie d'après bane commandements d'Allah Ta'ala et bane façons et *Sunnah* (pratiques) béni de nous bien-aimé Nabi Hazrat Muhammad (saws). Ena beaucoup kitchose ki d'ordinairement li paraite bien difficile mais ki vine non seulement facile mais aussi extra délicieux. Si ou vraiment content kikene, eski li pou difficile pou passe la nuit acoze li?

Bane jeunes pé passé même la nuit crier avec la joie et grand plaisir acoze bane kitchose ki zot content. Ene ki vraiment content Allah Ta'ala li pas trouve li difficile pour l'évê au milieu de la nuit acoze so *Rab*. Li pas capave expliquer séki li ressenti dans pose so front dans *Sajda* divant so *Rab*. Séki li gagner, li inestimable. Bé ki li gagner exactement coumsa? Pli facile ou faire li ou même. Ou pou gagne ene l'idée de séki li ressenti sans ou pou capave expliquer séki ou gagner.

Donc, nous faire sa *duah* là: "**O Allah, accorde moi To l'amitié et l'amitié de ene ki so l'amitié li bénéfique pour moi acote Toi.**" *Ameen*. Et pour gagne sa l'amitié là ou bizin ena ene connexion solide avec Allah Ta'ala. Pour faire ou comprend sa connexion là, laisse mo explique ou li.

Connexion avec ene ki ou content li vraiment ene source de la joie extraordinaire. Tous dimounes même envie réalise ene connexion semblable. Sans hésitation li capave faire bane dépenses énormes afin pour atteindre sa but là. Souvent ou capave lire lor journal bane annonces publicitaires ki propose ou pou trouve ou bane vedettes divant ou en chair et en os ou bien diboute avec zot lors même plateforme ou lors même l'estrade. Sans doute sa offre là li pas ene offre gratuit. Li ene offre payant ki trouve dans la fourchette de Rs. 10,000 à Rs. 25,000 par personne. Ene somme assez élevé et conséquente. Mais pas pou sa ki dimounes pas aller! Dimoune là, payer sans hésitation à tel point ki même bane billets là épuisé mais demande là contigner ena. Dimounes pas guette l'argent sa moment là. Au contraire li prend sa spectacle là comme ene l'occasion

en or ki pour faire li joindre so bane bien-aimés. Tout séki attire so l'admiration ki trouve dans so bane bien-aimés c'est séki Allah même fine crée dans zot. Nous capave être n'importe ki de par nous performance, nous talent, et nous personnalité, mais nous bizin pas blié ki dans tout saki nous été, nous ene dernier mendiant devant Allah Ta'ala. Nous pé vivre entièrement à la merci et générosité d'Allah ki Li *Rabbul-Aalameen*.

Si sa mendiant là (c'est-à-dire, sa vedette ki ena ene grand valeur dans zot lizié) li capave pé attirer et envahir les cœurs et l'esprit des milliers et des milliers, alors sa capave donne nous ene l'idée de séki capave arrive ene dimoune ki gagne ene ti aperçu de la grandeur d'Allah Ta'ala!!! Allah Ta'ala même c'est la Source de tout séki pé capave émerveiller nous en forme beauté, richesses, talents, etc. Allah Ta'ala Li même ki quantité émerveillant Li été!!! Nous conne beauté ene kitchose par guette li avec nous lizié ki trouve dans nous la tête. Et sa appelle *baswaarah*. Sa, tout dimoune ena sa, ki permette li admire ene joli kitchose. Acoze sa tout dimoune même ena tendance ébloui et émerveillé par ene simple beauté. Mais la plupart parmi nous manque sa kitchose ki appelle *basweerah*; c'est-à-dire, sa lizié ki trouve dans lé cœur.

Apprécier beauté, valeur et bienfait de bane pratiques de *Deen* li dépanne lors sa lizié lé cœur là-même ki nous appelle *basweerah*. C'est sa même *basweerah* ki permette nous senti grandeur Allah Ta'ala. Étant donné ki nous aveugle de par sa rapport là, acoze sa nous galoupe derrière tout kitchose ki attirant sans prend compte Allah Ta'ala. En conséquence, li vine difficile pour connecter avec Allah Ta'ala. Donc, li très essentiel ou bien indispensable même pou développe nous *basweerah* ki trouve à l'intérieur de nous. Et sa li développer, en principe, par reste en compagnie de ene (dimoune) ki toujours en connexion avec Allah Ta'ala.

Ki ene dimoune capave ressenti coumsa dans gagne connexion avec Allah Ta'ala? Le sens du bien-être et sa satisfaction ki ene dimoune senti kan li reste en compagnie de ene ki li extra content, capave finalement donne ene l'idée de céki capave ressenti dans établir connexion avec Allah Ta'ala. C'est zis ene l'idée sinon en principe sa connexion là li incomparable et inégalable, kot bizin vive li même pour gagne comprend. Si tout beauté et talents concentré dans ene sel objet, là aussi sa pas pou représente nannié devant Allah Ta'ala. Et connexion avec Allah Ta'ala li pour dépasse tout séki capave contenir dans sa objet là.

Donc, mo faire *duah* ki Allah Ta'ala donne sakaine le *Tawfeeq* pour comprendre sa Khutba d'aujourd'hui là et nous tous ensam faire beaucoup beaucoup zéffore pour reste en compagnie de bane ki ena connexion avec Allah Ta'ala pour ki nous aussi nous gagne sa l'amour pour connecter avec nous *Rab, Insha-Allah. Ameen*.